


52



宋本紀中第三

南史二

李

延壽

太祖文皇帝諱義隆小字車兒武帝第三子也晉義熙三年生於京口十一年封彭城縣公永初元年封宜都郡王位鎮西將軍荊州刺史加都督時年十四長七尺五寸博涉經史善隸書是歲來朝會武帝當聽訟仍遣上訊建康獄囚辯斷稱旨武帝甚悅景平初有黑龍見西方五色雲隨之二年江陵城上有紫雲望氣者皆以為帝王之符當在西方其年少帝廢百官議所立徐羨之傅亮等以橫符所集備法駕奉迎入奉皇統行臺至江陵尚書令傅亮奉

表進璽紱州府佐吏並稱臣請題榜諸門一依宮省上皆  
不許教州府國綱紀宥所統內見刑是時司空徐羨之等  
新有弒害及鑾駕西迎人懷疑懼惟長史王曇首司馬王  
華南蠻校尉到彥之共期朝臣未有異志帝曰諸公受遺  
不容背貳且勞臣舊將內外充滿今兵力又足以制物夫  
何所疑甲戌乃發江陵命王華知州府留鎮陝西令到彥  
之監襄陽車駕在道有黑龍躍負上所乘舟左右莫不失  
色上謂王曇首曰此乃夏禹所以受天命我何德以堪之  
及至都群臣迎拜於新亭先謁初寧 以還次中堂百官奉  
璽紱冲讓未受勸請數四乃從之

元嘉元年秋八月丁酉皇帝即位于中堂備法駕入宮御  
太極前殿大赦改元文武賜位二等戊戌拜太廟詔追復  
廬陵王先封奉迎靈柩辛丑謁臨川烈武王陵癸卯進司  
空徐羨之位司徒江州刺史王弘位司空尚書令傅亮左  
光祿大夫開府儀同三司甲辰 尊所生胡婕妤為章皇  
太后封皇弟義恭為江夏王義宣為竟陵王義季為衡陽  
王已酉減荆湘二州今年稅布之半九月丙子立妃袁氏  
為皇后是歲魏太武皇帝始光元年

二年春正月丙寅司徒徐羨之尚書令傅亮奉表歸政上  
始親覽萬機辛未祀南郊大赦秋八月乙酉驃騎將軍南

徐州刺史彭城王義康以本號開府儀同三司改授司空  
王弘車騎大將軍開府儀同三司冬十月庚午以武都王  
卅子楊玄為北秦州刺史襲封武都王是歲赫連屈丐死  
三年春正月丙寅司徒徐羨之尚書令傅亮有罪伏誅遣  
中領軍到彥之征北將軍檀道濟討荊州刺史謝晦上親  
率六師西征大赦丁卯以江州刺史王弘為司徒錄尚書  
事二月戊午以金紫光祿大夫王敬弘為尚書左僕射豫  
章太守鄭鮮之為右僕射戊辰到彥之檀道濟大破謝晦  
於隱磯丙子車駕自蕪湖反旆己卯禽晦於延頭送都伏  
誅夏五月乙未以征北將軍南兖州刺史檀道濟為征南

大將軍開府儀同三司江州刺史乙巳驃騎大將軍涼州  
牧大且渠蒙遜改為車騎大將軍詔大使巡行四方觀省  
風俗丙午臨延賢堂聽訟自是每歲三訊秋旱且蝗冬十  
二月前吳郡太守徐佩之謀反伏誅

四年春正月乙亥朔曲赦建鄴百里內辛巳祀南郊二月  
乙卯行幸丹徒謁京陵三月丙子宴丹徒宮帝鄉父老咸  
與焉蠲丹徒今年租布原五歲刑以下丁亥車駕還宮戊  
子尚書右僕射鄭鮮之卒壬寅採富陽令諸葛聞議禁斷  
夏至日五絲命縷之屬夏五月都下疾疫遣使存問給醫  
藥死無家屬者賜以棺器六月癸卯朔日有蝕之

五年春正月乙亥詔以陰陽愆序求讜言甲申臨玄武館  
閱武戊子都下大火遣使慰恤夏六月庚戌司徒王  
弘降為衛將軍開府儀同三司都下大水乙卯遣使檢行  
振贍十二月大竺國遣使朝貢是歲魏神龜元年大武皇  
帝伐赫連昌滅之乞火熾盤死

六年春正月辛丑祀南郊癸丑以冀州刺史彭城王義康  
為司徒錄尚書事三月丁巳立皇子劭為皇太子戊午大  
赦賜文武位一等夏四月癸亥以尚書左僕射王敬弘為  
尚書令丹陽尹臨川王義慶為尚書左僕射吏部尚書江  
夷為右僕射五月壬辰朔日有蝕之秋七月百濟國遣使

朝貢冬十一月己丑朔日有蝕之星晝見十二月西河河  
南國並遣使朝貢

七年春二月壬戌雪且雷三月戊子遣左將軍到彥之侵  
魏夏六月己卯封以楊難當為武都王冬十月戊午立錢  
署鑄四銖錢戊寅魏剋金墉城十一月癸未又剋武牢壬  
辰遣征南大將軍檀道濟拒魏右將軍到彥之自滑臺奔  
退十二月都下火延燒于太社北墻是歲馮跋死倭百濟  
呵羅單林邑呵羅他師子等國並遣使朝貢吳興晉陵義  
興大水遣使巡行振恤

八年春二月辛酉魏剋滑臺癸酉檀道濟引軍還自是河

南復亡三月大雩夏六月乙丑大赦旱故又大雩閏六月  
乙巳遣使省行獄訟簡息徭役

九年春二月辛卯詔曰故太傅長沙景王故大司馬臨川  
烈武王故司徒南康文宣公穆之衛將軍華容公弘征南  
大將軍永脩公道濟故左將軍龍陽侯鎮惡或履道廣深  
執德冲邈或雅量高劭風鑒明遠或識準弘正才畧開邁  
咸文德以弘帝載武功以隆景業而太常未銘從祀闕享  
寤寐屬慮永言興懷便宜配祭廟庭勒功天府三月庚戌  
進衛將軍王弘為太保丁巳加江州刺史檀道濟為司空  
夏五月壬申新除太保王弘薨六月癸未置積射彊弩將

官乙未以征西將軍沙州刺史吐谷渾慕瓚為征西大  
將軍西秦河二州刺史隴西王壬寅以撫軍將軍江夏王  
義恭為征北將軍開府儀同三司南兖州刺史秋七月庚  
午以領軍將軍殷景仁為尚書僕射冬十二月庚寅立皇  
子紹為廬陵王奉孝獻王祀江夏王義恭子劼為南豐王  
奉營陽王祀是歲魏延和元年

丁年春正月甲寅改封竟陵王義宣為南譙王己未大赦  
夏林邑闍婆娑州訶羅單國並遣使朝貢秋七月戊戌曲  
赦益梁秦三州冬十一月戊辰揚難當據有梁州是月且渠  
蒙遜死

十一年夏四月梁秦二州刺史蕭惠詒破氏梁州平五月  
丁卯曲赦梁南秦二州劍閣以北戊寅以大且渠茂慶為  
征西大將軍梁州刺史封西河王是歲林邑扶南訶羅單  
國並遣使朝貢

十二年春正月辛酉大赦辛未祀南郊癸酉封馮弘為燕  
王夏四月丙辰詔內外舉士都下地震六月禁酒下國  
遣使朝貢丹陽淮南兵兵興義興大水都下乘船己酉以  
徐豫南兖三州會稽宣城二郡米穀百萬斛賜五郡遭水  
人秋七月辛酉閭婁婁達扶南國並遣使朝貢八月乙亥  
原除遭水郡諸逋負九月蜀賊張尋為寇是歲魏太延元

十三年春正月癸丑朔上有疾不朝會三月己未誅司空  
江州刺史檀道濟庚申大赦夏六月高麗武都等國並遣  
使朝貢秋七月己未零陵王太妃殂追崇為晉皇后葬以  
晉禮九月癸丑立皇子濬為始興王駿為武陵王是歲馮  
弘奔高麗

十四年春正月辛卯祀南郊大赦戊戌鳳凰二見于都下  
眾鳥隨之改其地曰鳳凰里夏四月蜀賊張尋劫降遷  
之建鄴冬十二月辛酉初傳賀靈河南西河訶羅上國並  
遣使朝賀

十五年春正月以平東將軍吐谷渾慕延為鎮西將軍秦

河二州刺史封隴西王秋七月辛未地震新作東宮是歲  
武都河南高麗倭扶南林邑等內並遣使朝貢立儒學館  
于北郊命雷次宗居之

十六年春正月戊寅閱武于北郊庚寅進彭城王義康為  
大將軍領司徒以開府儀同三司江夏王義恭為司空夏  
六月己酉改封隴西王吐谷渾慕延為河南王秋八月庚  
子立皇子鐸為南平王九月魏滅且渠茂慶冬十二月乙  
亥皇太子冠大赦是歲武都河南林邑高麗等國並遣使  
朝貢上好儒雅又命丹陽尹何尚之立玄素學著作佐郎  
承天立史學司徒參軍謝元立文學各聚門徒多就業

者江左風俗於斯為美後言政化稱元嘉焉

十七年夏四月戊午朔日有蝕之秋七月壬子皇后袁氏  
崩八月徐兗青冀四州大水遣使振恤九月壬子葬元皇  
后于長寧陵冬十月戊午前丹陽尹劉湛有罪伏誅大赦  
文武賜爵一級以大將軍領司徒錄尚書事彭城王義康  
為江州刺史大將軍如故甲戌以司空江夏王義恭為司  
徒錄尚書事十一月尚書僕射揚州刺史殷景仁卒十二  
月癸亥以光祿大夫王球為尚書僕射戊辰武都河南百  
濟等國並遣使朝貢是歲魏太平真君元年

十八年春三月庚子雨雹戊申置尚書刪定郎官夏五月



壬午衛將軍南兖州刺史臨川王義慶征北將軍南徐州  
刺史南譙王義宣並開府儀同三司甲申河水汎溢害居  
人六月戊辰遣使巡行賑贍冬十一月戊子尚書僕射王  
球卒己亥以丹楊尹孟顛為尚書僕射氏撈難堂寇漢川  
十二月晉寧太守爨松子舉兵反寧州刺史徐樞討平之  
是歲河南肅特高麗蘇摩黎林邑等國並遣使來朝貢  
十九年夏四月甲戌上以久疾愈始奉初祠大赦五月庚  
寅梁秦二州刺史劉貞道龍驤將軍裴方明破楊難當仇  
池平閏月都下水遣使巡行賑恤六月以大且渠元諱為  
征西大將軍涼州刺史封西河王秋七月甲戌晦日有蝕

之九月丙辰有客星在北斗因為彗入文昌貫五車埽畢  
拂天節經天苑李冬乃滅冬十二月丙申詔奉聖之胤速  
議承襲及令脩廟四時饗祀并命蠲近墓五家供洒掃栽  
松栢六百株是歲蠕蠕河南扶南婆皇國並遣使朝貢西  
涼武昭王孫李寶始歸于魏

二十年春正月辛亥祀南郊二月甲申閱武於白下魏軍  
剋仇池夏四月甲午立皇子誕為廣陵王秋七月癸丑以  
楊文德為征西將軍北秦州刺史封武都王冬十月雷十  
二月壬午置藉田是歲河西高麗百濟倭國並遣使朝貢  
自去歲至是諸州郡水旱傷稼人大飢遣使開倉賑恤

二十一年春正月己亥南徐南兗南豫州揚州之浙江西  
並禁酒辛酉親耕藉田大赦二月己丑司徒歸尚書事江  
夏王義恭進位太尉領司徒辛卯立皇子宏為建平王秋  
八月戊辰以荊州刺史衡陽王義季為征北大將軍開府  
儀同三司南兗州刺史九月甲辰以大且渠安周為征西  
將軍涼州刺史封河西王冬十月己亥命刺史郡守脩東  
耕丙子雷且電

二十二年春正月辛卯朔改用御史中丞何承天元嘉新  
曆二月甲戌立皇子禕為東海王昶為義陽王秋七月己  
未以尚書僕射孟顓為左僕射中護軍何尚之為右僕射

九月己未開酒禁癸酉宴于武帳堂上將行敕諸子且勿  
食至會所賜饌日旰食不至有飢色上誡之曰汝曹少長  
輩徒不見百姓艱難今使爾識有飢苦知以節儉期物冬  
十二月乙未太子詹事范曄謀反及黨與皆伏誅丁酉免  
六將軍彭城王義康為庶人絕屬籍是冬浚淮起湖孰廢  
田十餘頃

二十三年夏四月丁未大赦六月癸未朔日有蝕之交州  
刺史檀和之伐林邑國剋之是歲大有年築北堤立玄武  
湖於樂游苑北興景陽山于華林園役重人怨

二十四年春正月甲戌大赦賜文武位一等夏四月河濟

魏清六月都下疫癘使巡省給醫藥以貨貴制大錢一當  
兩秋八月乙未徐州刺史衡陽王義季薨冬十一月甲寅  
立皇子渾為汝陽王是歲徐兗青冀四州大水

三十五年春閏二月己酉大蒐於宣武場三月庚辰校獵  
夏四月乙巳新作闔闔廣莫二門改先廣莫門曰承明開  
陽門曰津陽五月乙卯罷當兩大錢六月庚戌零陵王司  
馬元瑜薨丙寅加荊州刺史南譙王義宣位司空八月甲  
子立皇子彧為淮陽王九月辛未以尚書右僕射何尚之  
為左僕射冬青州城南遠望見地中如水有影謂之地鏡  
二十六年春正月辛巳祀南郊二月己亥幸丹徒謁京陵

三月丁巳宴于丹徒宮大赦復丹徒縣僑舊今歲租布之  
半行所經過蠲田租之半癸亥使祭晉故司空忠肅公何  
無忌墓壬午至自丹徒丙戌婆皇國壬辰婆達國並遣使  
朝夏冬十月庚子改封廣陵王誕為隨郡王癸卯彗星見  
于太微甲辰以揚州刺史始興王濬為征北將軍開府儀  
同三司徐兗二州刺史

二十七年春正月辛卯百濟國遣使朝貢二月魏軍攻縣  
瓠以軍興減百官奉祿三分之一三月乙丑淮南太守諸  
葛闡求減奉祿同內百官於是諸州郡縣丞尉並悉同減  
戊寅罷國子學秋七月庚午遣寧朔將軍王玄謨拒魏太

尉江夏王義恭出次彭城總統諸軍冬十一月丁未大赦  
十二月庚午魏太武帝率大衆至瓜步聲欲度江都下震  
懼咸荷擔而立壬午內外戒嚴緣江六七百里舳艦相接  
始議北侵朝士多有不同至是帝登烽火樓極望不悅謂  
江湛曰北伐之計同議者少今日士庶勞怨不得無慙貽  
大夫之憂在予過矣甲申使饋百牢于魏

二十八年春正月丁亥魏太武帝自瓜步退歸俘廣陵居  
人萬餘家以北徐豫青冀二兗六州殺略不可勝筭所過  
州郡赤地無餘二月甲戌降太尉領司徒江夏王義恭為  
驃騎將軍開府儀同三司壬午幸瓜步是日解嚴三月乙

酉車駕還宮丙申拜初寧陵大旱夏四月癸酉漢遼國遣  
使朝貢己卯彗星見于斗是月都下疾疫使巡省給醫藥  
五月乙酉亡命司馬順則自號齊王據梁鄒城丁巳梁皇  
國戊戌河南國並遣使朝貢戊申以尚書左僕射何尚之  
為尚書令太子詹事徐湛之為左僕射護軍將軍壬子彗  
星見太微中對帝坐秋七月甲辰進安東將軍倭王綏濟  
為安東大將軍八月癸亥梁鄒平斬司馬順則是秋猛獸  
入郭內為災冬十月癸亥高麗國遣使朝貢十一月壬寅  
曲赦二兗徐豫青冀六州徙彭城流人於瓜步淮西流入  
于姑熟合萬許家是歲魏正平元年

二十九年春正月甲午詔經寇六州仍逢災滂可量加救  
贍二月乙酉雷且雪戊午立皇子休仁為建安王三月壬  
午大風拔木都下火夏四月戊午訶羅單國遣使朝貢秋  
七月壬辰改封汝陰王渾為武昌王淮陽王或為湘東王  
丁酉省大司農太子僕廷尉監官九月乙亥以平西將軍  
吐谷渾拾寅為安西將軍秦河二州刺史封河南王冬十  
一月壬寅揚州刺史廬陵王紹薨十二月戊辰黃霧四塞  
辛未以南兖州刺史江夏王義恭為大將軍南徐州刺史  
錄尚書如故是歲魏中常侍宗愛構逆太武皇帝崩乃奉  
南安王余為帝改元為承平後又賊余於是殿中尚書長

孫渴侯尚書陸麗奉皇孫長為文成皇帝改元曰興安

三十年春正月乙亥朔會群臣於太極前殿有青黑氣從

東南來覆映宮上戊寅以司空荊州刺史南譙王義宣為

司徒中軍將軍揚州刺史壬午以南徐州刺史始興王濬

為衛將軍開府儀同三司荊州刺史戊子使江州刺史武

陵王駿統眾軍伐西陽蠻二月甲子元凶劼構逆帝崩于

合殿時年四十七謚景皇帝廟號中宗三月癸巳葬長寧

陵孝武帝踐祚追改謚曰文帝廟號太祖帝聰明仁厚雅

重文儒躬勤政事孜孜無怠加以在位日久惟簡靖為心

于時政平訟理朝野悅睦自江左之政所未有也又性存

儉約不好奢侈車府令嘗以輦筆故請改易之又輦席舊以烏皮緣故欲代以紫皮上以竹筆未至於壞紫色貴並不聽改其率素如此云

世祖孝武皇帝諱駿字休龍小字道人文帝第三子也元嘉七年八月庚午夜生有光照室少機穎神明爽發讀書七行俱下才藻甚美雄決愛武長於騎射十二年立為武陵王二十二年累遷雍州刺史自晉江左以來襄陽未有皇子重鎮時文帝欲經略關河故有此授及魏武大舉至淮南時帝鎮彭城魏使尚書李孝伯至帝遣長史張暢與語而帝改服觀之孝伯目帝不輟及出謂人曰張侯測

有人風骨視瞻非常士也二十八年為都督江州刺史時緣江蠻為寇文帝遣太子步兵校尉沈慶之等伐之使上總統衆軍三十一年正月出次西陽之五洲會元凶弒逆上率衆入討荊州刺史南譙王義宣雍州刺史臧質並舉義兵三月乙未達分于軍門是時多不悉舊儀有一翁班白自稱少從武帝征伐頗悉其事因使指麾事畢忽失所在自冬至春常東北風連陰不霽其日牙立之後風轉而西南景色開霽有紫雲二蔭于牙上四月辛酉上出溧州丙寅次江寧丁卯入將軍江夏王義恭來奔奉表上尊號戊辰上至新亭己巳即皇帝位大赦改文帝號謚以大將軍

江夏王義恭為入尉南徐州刺史庚午以荊州刺史南譙  
王義宣為中書監丞相揚州刺史並錄尚書六條事以安  
東將軍隨王誕為衛將軍荊州刺史加雍州刺史臧質  
車騎將軍並開府儀同三司以江州刺史撫軍將軍蕭惠話  
為尚書左僕射王申以征虜將軍王僧達為右僕射改新  
亭為中興亭百五月乙亥輔國將軍朱脩之赴東府丙  
申赴建鄴二凶及同逆並伏誅庚辰詔分遣大使巡省方  
俗是日解嚴辛巳幸東府城甲申尊所生路淑媛為皇  
太后乙酉立妃王太妃為皇后壬辰以入尉江夏王義恭為太  
傅領大司馬甲午謁初寧陵曲赦建鄴二百里內并蠲今年

租稅戊戌以撫軍將軍南平王鐸為司空建平王宏為尚  
書左僕射六月丙午車駕還宮初置殿門及上閣門屯兵  
庚午以丹楊尹褚湛之為尚書右僕射庚申詔有司論功  
班賞各有差辛酉安西將軍西秦河二州刺史吐谷渾拾  
寅進號鎮西大將軍開府儀同三司辛未改封南譙王義  
宣為南郡王隨王誕為竟陵王閏二月丙子遣兼散騎常侍  
樂詢等十五人巡行風俗庚申加太傅江夏王義恭錄尚  
書事以荊州刺史竟陵王誕為侍中驃騎大將軍開府儀  
同三司揚州刺史中書尋陽西陽都租布三年是月置  
衛尉官秋七月辛丑朔日有蝕之辛酉詔崇儉約禁淫侈

已巳司空南平王鐸薨以侍中南郡王世子恢為尚書右僕射冬十月癸未聽訟於闕武堂十一月丙辰停臺省衆官朔望問記丙寅高麗國遣使朝貢十二月甲戌省都水使者官置水衡令官癸未以將署東宮省太子率更令步兵翊軍校尉旅賁中郎將冗從武射左右積弩將軍官中庶子中舍人庶子舍人洗馬各減舊負之半

孝建元年春正月己亥朔祀南郊大赦改元壬戌更鑄四銖錢丙寅立皇子子業為皇太子賜天下為父後者爵一級是月起正光殿二月庚子豫州刺史魯爽車騎將軍江州刺史臧質丞相荆州刺史南郡王義宣兖州刺史徐道

寶舉兵反壬午曲赦豫州三月癸亥內外戒嚴夏五月甲

寅義宣等攻梁山左衛將軍王玄謨大破之己未解嚴癸

亥以具興太守劉延孫為尚書右僕射六月戊辰臧質走

至武昌為人所斬傳首建鄴甲戌撫軍將軍柳元景進號

撫軍大將軍及鎮北大將軍沈慶之並開府儀同三司癸

未罷南蠻校尉官戊子省錄尚書官庚寅義宣於江陵賜

死秋七月丙申朔日有蝕之既丙辰大赦賜文武爵一級

冬十月戊寅詔開建仲尼廟制同諸侯之禮詳擇爽豈厚

給祭秩十一月癸卯復置都水使者官始課南徐作人

租是歲魏興光元年



二年春二月己丑婆皇國遣使朝貢丙寅以南兗州刺史  
沈慶之為左光祿大夫開府儀同三司夏四月壬申河南  
國遣使朝貢五月乙未熒惑入南斗戊戌以湘州刺史劉  
遵考為尚書右僕射六月甲子以國哀除釋大赦秋七月  
癸巳立皇弟休祐為山陽王休茂為海陵王休業為鄱陽  
王己酉槃槃國遣使朝貢八月庚申雍州刺史武昌丁渾  
有罪廢為庶人自殺辛酉斤陀利國遣使朝貢三吳飢詔  
所在振貸九月丁亥闕武於宣武場冬十月壬午以揚州  
刺史竟陵王誕為司空南徐州刺史以尚書左僕射建平  
王宏為尚書令十一月辛亥高麗國遣使朝貢是歲魏太

安元年

三年春正月庚寅立皇弟休範為順陽郡王休若為巴陵  
郡王戊戌立皇子子尚為西陽郡王辛丑祀南郊以驃騎  
將軍建昌忠公到彥之衛將軍左光祿大夫新建文宣侯  
王華豫寧文侯王曇首配饗文帝廟庭壬子皇太子納妃  
甲寅大赦群臣上禮二月丁丑制朔望臨西堂接群下受  
奏事閏三月癸酉鄱陽王休業薨夏四月甲子初禁人車  
及酒肆器用銅五月辛酉制荆徐兗豫雍青冀七州統內  
家有馬一匹者蠲復一丁秋九月壬戌以丹楊尹劉遵考  
為尚書左僕射冬十月丙午太傅江夏王義恭進位太宰

領司徒

大明元年春正月辛亥朔大赦改元庚午都下雨水辛未遣使檢行賜以糶米三月壬戌制大臣加班劔者不得入宮城門夏四月都下疾疫丙申遣使巡賜給醫藥死而無收斂者官為斂埋五月吳興義興大水人飢乙卯遣使開倉振恤癸酉聽訟于華林園自是非巡狩軍役則車駕歲三臨訊丙寅芳香琴堂東西有雙楹連理景陽樓上層西南梁拱間有紫氣清旦殿西甍鸚尾中央生嘉禾一株五莖改景陽樓為慶雲播清景殿為嘉禾殿芳香琴堂為連理堂乙亥以輔國將軍梁瑾為河州刺史封宕昌王秋

七月辛未土斷雍州諸僑郡縣九月建康秣陵二縣各置都官從事一人司水火劫盜冬十月甲辰以百濟王餘慶為鎮東大將軍十二月丁亥改封順陽王休範為桂陽王二年春正月辛亥祀南郊丙辰復郡縣田秩并九親祿奉壬戌拜初寧陵二月丙戌衛將軍尚書令建平王宏以本號開府儀同三司以丹楊尹褚湛之為尚書左僕射三月丁未尚書令建平王宏薨乙卯以田農要月命太官停殺牛夏四月甲申立皇子子綏為安陸王辛丑地震六月戊寅增置吏部尚書一人省五兵尚書官丁亥加左光祿大夫何尚之開府儀同三司秋八月丙戌中書令王僧達下

獄死九月壬戌襄陽大水遣使巡行振恤庚午置武衛將軍武騎常侍官冬十二月己亥制諸王及妃主庶姓位從公者喪事聽設凶門餘悉斷是歲河南高麗林邑等國並遣使朝貢

三年春正月己丑以領軍將軍柳元景為尚書令二月乙卯以揚州所統六郡為王畿以東揚州為揚州甲子復置廷尉監官夏四月乙卯司空南兖州刺史竟陵王誕有罪貶爵誕不受命據廣陵反以沈慶之為車騎大將軍開府儀同三司南兖州刺史討誕秋八月己巳剋廣陵斬誕悉誅城內男丁以女口為軍賞是日解嚴辛未大赦丙子

以兵楊尹劉秀之為尚書右僕射丙戌加南兖州刺史沈慶之位司空九月壬辰於玄武湖北立上林苑甲午移南郊壇於牛頭山以正陽位冬十一月甲子立皇后蠶宮於西郊十二月辛酉置謁者僕射官是歲婆皇河西高麗肅慎等國各各遣使朝貢西域獻舞馬

四年春正月辛未祀南郊甲戌宕昌國遣使朝貢乙亥親耕藉田大赦庚寅立皇太子子勛為晉安王子房為尋陽王子頊為歷陽王子鸞為襄陽王三月甲申皇后親桑于西郊夏四月丙午詔四時供限詳減太半辛亥太宰江夏王義恭等表請封岱宗詔不從辛酉詔以都下疾疫遣使存

問并給醫藥其亡者隨宜賑恤五月丙戌尚書左僕射褚湛之卒秋七月甲戌光祿大夫開府儀同三司何尚之薨八月雍州大水甲寅遣加賑恤九月丁亥改封襄陽王子鸞為新安王冬十月庚寅遣新除司空沈慶之討緣江蠻十一月戊辰改細作署令為左右御府令丙戌復置大司農官十二月辛丑幸廷尉寺宥繫囚魏遣使通和丁未幸建康縣原放獄囚倭國遣使朝貢是歲魏和平元年

五年春正月戊午朔華雪降散為六出上悅以為瑞二月癸巳閱武軍幢以下普加班錫多所原宥三月甲戌行幸江乘遣祭故太保王弘光祿大夫王曇首墓夏四月癸巳

改封西陽王子尚為豫章王丙申加尚書令柳元景左光祿大夫開府儀同三司丙午雍州刺史海陵王休茂殺司馬庾深之舉兵反參軍尹文慶起義斬之傳首建鄴五月起明堂於國學南丙巳之地癸亥制帝室蕃親官非祿官者月給錢十萬秋七月丁卯高麗國遣使朝貢庚午曲赦雍州八月戊子立皇子子仁為永嘉王子真為始安王己丑詔以來歲脩葺庠序旌延國胄庚寅制方鎮所假白板郡縣年限依臺除食祿三分之一不給送故衛將軍東海王禕以本號開府儀同三司九月甲寅日有蝕之丁卯行幸琅邪郡原遣囚繫庚午河濟清閏月丙申初立馳道自

閭闔門至于朱雀門又自承明門至于玄武湖壬寅改封  
歷陽王子頊為臨海王冬十月甲寅以南徐州刺史劉延  
孫為尚書左僕射十二月壬申以領軍將軍劉遵考為尚  
書右僕射甲戌制天下人戶歲輸布四匹

六年春正月辛卯祀南郊是日又宗祀文皇帝于明堂以  
配上帝大赦乙未置五官中郎將左右中郎將官二月乙  
卯復百官祿三月庚寅立皇太子元為邵陵王壬寅以倭  
世子興為安東將軍倭國王夏四月庚申新作大航門五  
月丙戌置凌室于覆舟山脩藏冰之禮六月辛酉尚書左  
僕射劉延孫卒秋七月甲申地震有聲如雷兖州尤甚於

是魯郡山搖者二乙未立皇太子雲為晉陵王八月乙丑  
置清臺令官九月制沙門致敬人主乙未以尚書右僕射  
劉遵考為左僕射以丹陽尹王僧朗為右僕射冬十月丁  
卯詔上林苑內士庶丘墓以還人葬者勿禁十一月己卯  
陳留王曹虔秀薨

七年春正月癸未詔剋日於玄武湖大閱水師并巡江右  
講武校獵丁亥以右衛將軍顏師伯為尚書左僕射二月  
甲寅車駕巡南豫南兖二州丁巳校獵烏江己未登烏江  
縣六合山壬戌大赦行幸所經無出今年租布賜人爵一  
級女子百戶牛酒郡守邑宰及人夫從蒐者普加露賚又

詔蠲歷陽郡租輸三年遣使巡慰閭人疾苦癸亥行幸尉  
氏觀溫泉壬申車駕至都拜二廟乃還宮夏四月甲子詔  
自今非臨軍戰陣一不得專殺其罪人重辟者皆依舊先  
上須報有司嚴加聽察犯者以殺人罪論五月丙子詔自  
今刺史守宰動人與軍皆須守詔施行惟邊隅外警及姦  
釁內發變起倉卒者不從此例六月戊申蠕蠕高麗等國  
並遣使朝貢秋七月乙亥進高麗王高璉位車騎大將軍  
開府儀同三司八月乙丑立皇太子孟為淮南王子產為  
臨賀王車駕幸建康秣陵縣訊獄囚九月庚寅以南徐州  
刺史新安王子鸞為兼司徒乙未幸廷尉訊獄囚丙申立

皇子子嗣為東平王冬十月壬寅皇太子冠賜王公以下  
帛各有差戊申車駕巡南豫州奉太后以行癸丑行幸江  
寧縣訊獄囚加車騎將軍揚州刺史豫章王子尚開府儀  
同三司癸亥以開府儀同三司東海王禕為司空加中軍  
將軍義陽王昶開府儀同三司己巳校獵於姑孰十一月  
丙子曲赦南豫州殊死以下巡幸所經詳減今歲田租乙  
酉詔祭晉大司馬桓溫征西將軍毛璩墓上於行所訖溧  
陽永世丹陽縣囚癸巳祀梁山闕水師於中江有白雀  
二集華蓋有司奏改元為神雀詔不許乙未原放行獄徒  
繫浙江東諸郡大旱十二月壬寅遣使開倉賑恤聽受雜

物當租丙午行幸歷陽甲寅大赦賜歷陽郡女子百戶牛  
酒蠲郡租十年己未加大宰江夏王義恭尚書令於博望  
梁山立雙闕癸未至自歷陽

八年春正月辛巳祀南郊是日還宗祀文帝于明堂甲戌  
東境去歲不稔宜廣商貨遠近販鬻米粟者可停道  
中雜稅其以仗自防悉勿禁夏閏五月壬寅以太宰江夏  
王義恭領太尉庚申帝崩於玉燭殿時年三十五七月丙  
午葬于丹陽秣陵縣巖山景寧陵帝末年為長夜之飲每  
旦寢興盥嗽畢仍復命飲俄頃數斗憑几昏睡若大醉者  
或外有奏事便肅然整容無復酒色外內服其神明莫敢

弛惰

前廢帝諱子業小字法師孝武帝長子也元嘉二十六年  
正月甲申生孝武鎮尋陽帝留都下三十年孝武入伐元  
凶囚帝於侍中下省將加害者數矣卒得無恙及孝武踐  
祚立為皇太子始末之東宮中庶子二率並入直永福省  
大明二年出東宮七年加元服八年閏五月庚午孝武崩  
其日太子即皇帝位大赦加驃騎大將軍柳元景尚書令  
甲子置錄尚書官以太宰江夏王義恭錄尚書事加驃騎  
大將軍柳元景開府儀同三司秋七月庚戌廢皇國遣使  
朝貢崇皇太后為大皇太后皇后曰皇太后乙卯罷南北

二馳道改孝建以來所變制度還依元嘉丙辰追崇獻妃  
為獻皇后八月乙丑皇太后崩九月乙卯文穆皇后祔葬  
景寧陵冬十二月乙酉以尚書右僕射顏師伯為  
射壬辰以王畿諸郡為揚州以揚州為東揚州癸巳加車  
將軍揚州刺史豫章王子尚位司徒去歲及是歲東諸  
郡大旱甚者米一斗數百都下亦至百餘餓死者十六七  
孝建以來又立錢署鑄錢百姓因此盜鑄錢轉偽小商貨  
不行

景和元年春正月乙未朔大赦元為永光乙巳省諸州  
臺傳二月乙丑減州郡縣田祿之半庚寅鑄二銖錢夏五  
月魏文成皇帝崩秋八月庚午以尚書僕射顏師伯為左  
僕射吏部尚書王景文為右僕射癸酉帝自率宿衛兵誅  
太宰江夏王義恭尚書令柳元景左僕射顏師伯廷尉劉  
德願改元為景和甲戌以司徒揚州刺史豫章王子尚領  
尚書令乙亥帝釋素服御錦衣以始興公沈慶之為太尉  
庚辰以石頭城為長樂宮東府城為未央宮甲申以北邸  
為建章宮南第為長楊宮己丑復立南北二馳道九月癸  
巳幸湖熟奏鼓吹戊戌還宮帝自以為昔在東宮不為孝  
武所愛及即位將掘景寧陵太史言於帝不利而止乃縱  
糞於陵肆罵孝武帝為讎奴又遣發殷貴嬪墓忿其為孝



武所寵初貴嬪薨武帝為造新安寺乃遣壞之又欲誅諸  
遠近僧尼辛丑免南徐州刺史新安王子鸞為庶人賜死  
丁未加衛將軍湘東王或開府儀同三司己酉車駕討徐  
州刺史義陽王昶內外戒嚴昶奔魏戊午解嚴開百姓鑄  
錢冬十月癸亥赦徐州丁卯東陽太守王藻下獄死以  
文帝第十女新蔡公主為貴嬪夫人改姓謝氏以武貴釵  
戟鸞輅龍旂出警入蹕矯言公主薨空設喪事焉乙酉以  
豫州刺史山陽王休祐為鎮軍大將軍開府儀同三司十  
一月壬辰寧朔將軍何邁下獄死癸巳殺新除太尉沈慶  
之壬寅立皇后路氏四廟奏樂曲赦揚南徐二州丁未皇  
生少府劉暉之子也大赦賊污淫盜悉皆原蕩賜為父  
後者爵一級壬子以護軍將軍建安王休仁為驃騎大將  
軍開府儀同三司戊午南平王敬猷廬陵王敬先安南侯  
敬深並賜死時帝凶悖日甚誅殺相繼內外百官不保首  
領先是訛言湘中出天子帝將南巡荆湘以厭之期旦誅  
除四叔然後發引是夜湘東王或與左右阮佃夫王道隆  
李道兒密結帝左右壽寂之妻產之等十一人謀共廢帝  
先是帝好遊華林園竹林堂使婦人保身相逐有一婦人  
不從命斬之經少時夜夢游後堂有一女子罵曰帝悖虐  
不道明年不及熟矣帝怒於宮中求得似所夢者一人戮

之其夕復夢所戮女罵曰汝枉殺我已訴上帝至是巫覡  
云此堂有鬼帝與山陰公主及六宮練女數百人隨群巫  
捕鬼屏除侍衛帝親自射之事畢將奏靡靡之聲壽寂之  
懷刀直入妻產之為副諸姬迸逸廢帝亦走追及之大呼  
寂寂如此者三手不能舉乃崩於華光殿時年十七太皇  
太后令奉湘東王或纂承皇統於是葬帝於丹楊秣陵縣  
南郊壇西帝蠡目鳥喙長頸銳下幻而狷急在東宮每為  
孝武所責孝武西巡帝啓參承起居書迹不謹上詰讓之  
曰書不長進此是一條耳聞汝比素業都懈猶戾日甚何  
以頑固乃爾初踐祚受璽綬傲然無哀容祭與宗退而歎  
曰昔魯昭不厥叔孫請死國家之禍其在此乎帝始猶難  
諸大臣及戴法興等既殺法興諸大臣莫不震懼於是又  
誅群公元凱以下皆被毆捶牽曳內外危懼殿省騷然太  
后疾篤遣呼帝帝曰病人間多鬼可畏那可往太后怒語  
待者曰將刃來破我腹那得生靈馨兒及太后崩後數日  
帝夢太后謂曰汝不仁不孝本無人君之相子尚愚悖如  
此亦非運祚所及孝武險惡滅道怨結人神兒子雖多並  
無天命大命所歸應還文帝之子故帝聚諸叔都下慮在  
外為患山陰主淫恣過度謂帝曰妾與陛下雖男女有殊  
俱託體先帝陛下後宮數百妾惟駟馬一人事不均平一

何至此帝乃為立面首左右三十人進爵會稽郡長公主  
秩同郡王湯沐邑二千戶給鼓吹一部加班劔二十人帝  
每出公主與朝臣常共陪養帝必與讀書頗識古事粗有  
文才自造孝武帝誅及雜篇章往往有辭采以魏武有發  
丘中郎將摸金校尉乃置此二官以建安王休仁山陽王  
休祐領之其餘事迹分見諸列傳

論曰文帝幼年特秀自稟君德及正位南面歷年長久綱  
維備舉條禁萌密罰有恒科爵無濫品故能內清外晏四  
海謐如而授將遣師事乖分闡才謝光武而遙制兵略至  
於攻戰日時咸聽成旨雖覆帥喪必將非韓白而延寇虜

境抑此之由及至晉淵衾狂難知凶豎雖禍生非慮蓋亦  
有以而然夫盡人命以自養蓋惟桀紂之行觀夫大明之  
世其將盡人命乎雖周公之才之美亦當終之以亂由此  
言之得歿亦為幸矣至如廢帝之事行著于篇假以中才  
之君有一於此足以致實況乎兼斯眾惡不亡其可得乎

宋本紀下第三

南史三

李

延壽

太宗明皇帝諱或字休景小字榮相文帝第十一子也元  
 嘉十六年十月生二十五年封淮州王二十九年改封湘  
 東王孝武踐祚累遷鎮軍將軍雍州刺史是歲入朝時廢  
 帝疑畏諸父以上付廷尉明日將加禍害上乃與腹心阮  
 佃夫李道兒等密謀時廢帝左右古閭將軍宋越譚金童  
 太一等是夜並外宿佃夫道兒因紿壽寐之等十一月十  
 九日弒廢帝於後堂建安王休仁便二稱臣奉引升西堂登  
 御坐事出倉卒上失履跣猶著烏紗帽休仁呼主衣以白

紉代之末即位凡衆事悉稱令書。末司徒豫章王子尚  
山陰公主並賜死宋越譚金童太一伏誅十二月庚申朔  
令書以東海王禧為中書監太尉以晉安王子勛為車騎  
將軍開府儀同三司癸亥以建安王休仁為司徒尚書令  
揚州刺史乙丑改封安陸王子綏為江夏王

泰始元年即大明九年也魏和平六年冬十二月丙寅皇  
帝即位于太極前殿大赦改元辛未改封臨賀王子產為  
南平王晉熙王子與為廬陵王壬申以王景文為尚書僕  
射乙亥追尊所生沈婕妤曰宣皇太后戊寅改太皇太后  
為崇憲太后立皇后王氏罷二銖錢江州刺史晉安王子

勛舉兵反鎮軍長史袁顛赴之鄧琬為其謀主壬午謁太  
廟甲申郢州刺史安陸王子綏會稽太守尋陽王子房臨  
海王子頊並舉兵同逆

二年春正月乙未晉安王子勛僭即偽位於尋陽年號義

嘉壬辰徐州刺史薛安都舉兵反甲午內外戒嚴司徒建

安王休仁都督諸軍南討丙戌徐州刺史文申令孫司州刺

史龐孟蚪豫州刺史殷琰青州刺史沈文秀冀州刺史崔

道固湘州行事何慧文廣州刺史袁曇益州刺史蕭惠開

梁州刺史柳元怡並同逆丙午車駕親御六軍頓中興堂

辛亥南豫州刺史山陽王休祐改為豫州刺史西討吳郡

太守顧璠吳興太守王曇生義興太守劉延熙晉陵太守  
袁標山陽太守程天祚並舉兵反鎮東將軍巴陵王休若  
統軍東討壬子崇憲皇太后崩二月乙丑以蔡興宗為尚  
書右僕射壬申吳興太守張永右將軍蕭道成東討平晉  
陵丁亥建武將軍吳喜公率諸軍破賊於吳興會稽平定  
三郡同逆皆伏誅輔國將軍蕭道成前鋒北討輔國將軍  
劉劭前鋒西討劉胡衆四萬據赭圻三月庚寅撫軍將軍  
殷孝祖攻赭圻死之以輔國將軍沈攸之代為南討前鋒  
賊衆稍盛袁顛頗鵠尾連營至濃湖衆十餘萬丙申南徐  
州刺史桂陽王休範摠統北討諸軍事戊戌賜尋陽王子  
房爵為松滋縣侯癸卯令人入米七百石者除郡減此各  
有差壬子斷新錢專用古錢夏五月甲寅葬崇憲皇太后  
於脩寧陵秋七月丁酉以仇池太守楊僧嗣為北秦州刺  
史封武都王八月己卯司徒建安王休仁率衆軍大破賊  
斬偽尚書僕射袁顛進討江郢荆湘雍五州平之晉安王  
子勛安陸王子綏臨海王子預邵陵王子元並賜死同黨  
皆伏誅諸將帥封賞各有差九月癸巳六軍解嚴戊戌以  
王玄謨為左光祿大夫開府儀同三司領護軍將軍冬十  
月乙卯永嘉王子仁始安王子真淮南王子孟南平王子  
產廬陵王子輿松滋侯子房並賜死丁卯以沈攸之為中

領軍與張永俱北討戊寅立皇子昱為皇太子十一月壬辰立建平王景素子延年為新安王十二月薛安都等引魏軍張永沈攸之大敗於是遂失淮北四州及豫州淮西地是歲魏天安元年

三年春正月庚子以農役將興詔太官停宰牛癸卯曲赦豫南豫二州閏正月庚午都下大雨雪遣使巡行振貸各有差二月甲申為戰亡將士舉哀丙申曲赦青冀二州夏四月丙戌詔以故丞相江夏文獻王故太尉巴東忠烈公柳元景故司空始興襄公沈慶之故征西將軍洮陽肅侯宗懃陪祭孝武廟庭庚子立桂陽王休範第三子德嗣為

廬陵王立侍中劉韜第三子銑為南豐王以奉廬江昭王南豐哀王祀五月丙辰詔宣太后崇寧陵禁內墳瘞遷徙者給葬直蠲復其家壬戌以太子詹事袁粲為尚書僕射秋八月壬寅以中領軍沈攸之行南兗州刺史率眾北伐九月戊午以皇后六宮以下雜衣千領金釵千枚賜北伐將士冬十月壬午改封新安王延年為始平王辛丑以鎮西大將軍西秦河二州刺史吐谷渾拾寅為征西大將軍十一月立建安王休仁第二子伯猷為江夏王是歲魏皇興元年

四年春正月丙辰朔雨草于宮乙亥零陵王司馬昺薨二

月乙巳左光祿大夫開府儀同三司王玄謨薨三月交州人李長仁據州叛祚賊攻廣州殺刺史羊希龍驤將軍陳伯紹討平之夏四月丙申改封東海王禕為廬江王山陽王休祐為晉平王秋九月戊辰詔定黥刑之制有司奏自今凡劫竊執官仗拒戰邏司攻剽亭寺及傷害更人并監司將吏自為劫皆不限人數悉依舊制斬刑若遇赦黥及兩頰劫字斷去兩脚筋徙付交梁寧州五人以下止相遺奪者亦依黥作劫字斷去兩脚筋徙付遠州若遇赦原斷徙猶黥面依舊補治士家口應及坐悉依舊結譴及上崩其例乃寢庚午上備法駕幸東宮冬十月癸酉朔日有蝕之發諸州兵北伐

五年春正月癸亥親耕藉田乙丑魏剋青州執刺史沈文秀以歸二月丙申以皇江王禕為車騎將軍開府儀同三司南豫州刺史夏六月辛未立晉平王休祐子宣曜為南平王秋七月壬戌改輔國將軍為輔師將軍九月甲寅立長沙王纂子延之為始平王冬十月丁卯朔日有蝕之一月丁未魏人來聘十二月庚申分荆益之五郡置三巴校尉

六年春正月乙亥初制間二年一祭南郊間一年一祭明堂夏四月癸亥立皇子燮為晉熙王六月癸卯以王景文



為尚書左僕射揚州刺史以袁粲為右僕射己未改臨賀  
郡為臨慶郡秋七月內成臨慶王智井薨九月戊寅立摠  
明觀徵學士以充之置東觀祭酒訪舉各一人舉士二十  
人分為儒道文史陰陽五部學言陰陽者遂無其人冬十  
月辛卯立皇子贊為武陵王十二月癸巳以邊難未息制  
父母隔在異域者悉使婚官

七年春正月甲戌置散騎奏舉郎二月癸丑征西將軍荆  
州刺史巴陵王休若進號征西大將軍及征南大將軍江  
州刺史桂陽王休範並開府儀同三司甲寅南徐州刺史  
晉平王休祐薨三月辛酉魏人來聘夏五月戊午鳩司徒

建安王休仁庚午以袁粲為尚書令褚彥回為右僕射  
戊追免晉平王休祐為庶人秋七月丁巳罷散騎奏舉  
乙丑江州刺史巴陵王休若賜死八月戊子以皇子暉  
江夏文獻王義恭庶弟帝疾間戊戌立皇子準為安成王  
是歲魏孝文帝延興元年

秦豫元年春正月甲寅朔上以疾未痊故改元丁巳巨  
跡見西池冰上夏四月丁亥上疾大漸加江州刺史桂陽  
王休範位司空以劉劭為尚書右僕射蔡興宗為征西將  
軍開府儀同三司荆州刺史沈攸之進號安西將軍袁粲  
褚彥回劉劭蔡興宗沈攸之入閣被顧命是日上崩于景

福殿時年三十四五月六寅葬臨沂縣莫府山高寧陵帝  
好讀書愛文義在藩時撰江左以來文章志又續衛瑾所  
注論語二卷及即大位舊臣才學之士多蒙引進末年好  
鬼神多忌諱言語文書有禍敗凶喪疑似之言應回避者  
犯即加戮改駟馬字爲馬邊瓜以駟字似禍故也嘗以南  
苑借張求云且給三百年期盡更請宣陽門謂之白門上  
以白門不祥諱之尚書右丞江謚嘗誤犯上變色曰白汝  
家門路太后停屍漆床移出東宮上幸宮見之怒免中庶  
子以之坐死者數十人內外常慮犯觸人不自保移床脩  
壁先祭土神使文士爲祝策如大茶饗阮佃夫楊運長王

道隆皆擅威權言爲詔敕郡守令長一節下除內外混  
官以賄命王阮家富於公室中書舍人胡毋顥專權奏無  
不可時人語曰未銷閉眼諾胡毋大張橐未銷謂上也及  
秦始秦豫之際左右失旨往往有劊割斷截禁中慄慄若  
踐刀劍夜夢豫章太守劉惔反遣就郡殺之軍旅不息府  
藏空虛內外百官並斷祿奉在朝造官者皆市井傭販之  
子而又令小黃門於殿內埋錢以爲私藏以蜜漬鮓鱖一  
食數升噉腊肉常至二百鬻奢費過度每所造制必爲正  
御三十副御次副三十須一物輒造九十枚天下騷然民  
不堪命宋氏之業自此衰矣

後廢帝諱昱字德輔明帝長子也大明七年正月辛丑生於衛尉府帝母陳氏李道兒妾明帝納之故人呼帝為李氏子帝亦自稱李將軍明帝諸子在孕皆以周易筮之即以所得卦為小字故帝小字慧震泰始二年立為皇太子六年出東宮又制太子元正朝賀服袞冕九章衣明帝崩庚子太子即皇帝位大赦尚書令袁粲護軍將軍褚彥回共輔朝政班劍依舊入殿六月乙巳尊皇后曰皇太后立皇后江氏秋七月戊辰拜帝所生陳貴妃為皇太妃八月戊午中書監左光祿大夫開府儀同三司蔡興宗薨冬十一月己亥新除郢州刺史劉彥節為尚書左僕射

元徽元年春正月戊寅大赦改元詔自元年以前徒放者並聽還本魏人來聘夏六月乙卯壽陽大水秋八月都下旱庚午陳留王曹鈺薨九月丁亥立衡陽王嶷子伯玉為南平王冬十二月癸卯朔日有蝕之乙巳進桂陽王休範位太尉癸亥立前建安王世子伯融為始安縣王二年夏五月壬午江州刺史桂陽王休範舉兵反庚寅內外戒嚴中領軍劉劭右衛將軍蕭道成前鋒南討出屯新亭征北將軍張永屯白下前南兖州刺史沈懷明戍石頭衛將軍袁粲中軍將軍褚彥回入衛殿省壬辰賊奄至攻新亭壘道成拒擊大破之越騎校尉張苟兒斬休範賊黨

杜黑蠡丁文豪分軍向朱雀航劉劭拒賊敗績死之右將軍王道隆奔走遇害張永潰于白下沈懷明自石頭奔散甲午車騎典籤茅恪開東府納賊賊入屯中堂羽林監陳顯達擊大破之丙申張苗兒等又破賊進平東府城梟禽群賊丁酉大赦解嚴荊州刺史沈攸之南徐州刺史建平王景素郢州刺史晉熙王燮湘州刺史張興世並舉兵赴建鄴六月癸卯晉熙王燮遣軍剋尋陽江州平壬戌改輔師將軍還為輔國秋七月庚辰立皇弟友為邵陵王乙酉徐州刺史建平王景素進號征北將軍開府儀同三司九月丁酉以袁粲為中書監領司徒加護軍將軍褚彥可

為尚書令冬十一月丙戌帝加元服十二月癸亥立皇弟躋為江夏王贊為武陵王

三年春三月己巳都下大水夏六月魏人來聘秋七月庚戌以袁粲為尚書令九月丙辰征西大將軍河南王吐谷渾拾寅進號車騎征西大將軍

四年夏六月乙亥加蕭道成尚書左僕射秋七月戊子建平王景素據京城反己丑內外募嚴遣驍騎將軍任農夫冠軍將軍黃回北討蕭道成摠統眾軍始安王伯融都鄉侯伯猷並賜死乙未赴京城斬景素同逆皆伏誅八月丁卯立皇弟翽為南陽王嵩為新興王禧為始建王九月戊

工驍騎將軍高道慶有罪賜死己丑車騎將軍揚州刺史  
安成王準進號驃騎大將軍開府儀同三司冬十月辛酉  
以王僧虔為尚書右僕射

五年夏四月甲戌豫州刺史阮佃夫步兵校尉申伯宗朱  
幼謀廢立皆伏誅五月地震六月甲戌誅司徒左長史沈  
勃散騎常侍杜幼文游擊將軍孫超之長水校尉杜叔文  
七月戊子夜帝遇弒於仁壽殿時年十五己丑皇太后令  
貶帝為蒼梧郡王葬丹楊秣陵縣郊壇西初帝之生夕明  
帝夢人乘馬馬無頭及後足有人曰太子也及在東宮五  
六歲能緣漆帳竿去地丈餘如此者半食漸長喜怒無節

左右失旨者手加撲打徒路踉蹌及嗣位內畏太后外憚  
大臣猶未得肆志自加元服三年好出入單將左右或十  
里二十里或入市里遇慢罵則悅而受焉四年無日不出  
與左右解僧智張五兒恒夜出開承明門夕去晨反晨出  
暮歸從者並執鋌矛行人男女及犬馬牛驢逢無免者人  
間擾懼晝日不開門道無行人嘗著小袴不服衣冠有白  
楛數十各有名號鉗鑿錐鋸不離左右為擊腦槌陰剖心  
之誅日有數十常見卧屍流血然後為樂左右人見有嘔  
眉者帝令其正立以矛刺洞之曜靈殿上養驢數十頭所  
自乘馬養於御牀側與右衛翼輦營女子私通每從之遊

持數千錢爲酒肉之費出逢婚姻葬送輒與挽車小兒群聚飲酒以爲歡適阮佃夫腹心人張羊爲佃夫委信佃夫敗叛走復捕得自於承明門以車轆殺之殺杜延載杜幼文躬運矛鋌手自鬻割察孫超有蒜氣剖腹視之執搆馳馬自往刺杜叔文於玄武北湖孝武帝二十八子明帝殺其十六餘皆帝殺之吳興沈勃多寶貨往劫之揮刀獨前左右未至勃時居喪在廬帝望見之便投鋌不中勃知不免手搏帝耳唾罵之曰汝罪踰桀紂屠戮無日遂見害帝自鬻割制露車一乘施釜乘以出入從數十人羽儀追之恒不相及又各慮禍亦不敢追但整部伍別在一處瞻望而已凡諸鄙事過目則能鍛銀裁衣作帽莫不精絕未嘗吹篪執管便韻天性好殺一日無事輒慘慘不樂內外憂惶夕不及旦領軍將軍蕭道成與直閣將軍王敬則謀之七月戊子帝微行出北湖單馬先走羽儀不及左右張五兒馬墜湖帝怒自馳騎刺馬屠割之與左右作羞胡伎爲樂又於蠻岡賭跳因乘露車無復鹵簿往青園尼寺新安寺偷狗就曇度道人煮之飲酒楊玉夫常得意忽然見憎遇輒切齒曰明日當殺小子取肝肺是夜七夕令玉夫伺織女度報已因與內人穿針訖大醉卧於仁壽殿東阿氈幄中帝出入無禁王敬則先結玉夫陳奉伯楊萬年等合

每史記三

二十五人其夕王夫侯帝眠熟至乙夜與萬年同入氊幄  
內取千牛刀殺之

順皇帝諱準字仲謨小字知觀明帝第三子也泰始五年  
七月癸丑生七年封安成王帝姿貌端華眉目如畫見者  
以爲神人廢帝即位加揚州刺史元徽二年加都督揚南  
豫二州諸軍事四年進號驃騎大將軍及廢帝殯蕭道成  
奉太后令迎王入居朝堂

昇明元年秋七月壬辰皇帝即位大赦改元徽五年爲昇  
明元年甲午蕭道成出鎮東城輔政荊州刺史沈攸之進  
號車騎大將軍蕭道成司空錄尚書事以袁粲爲中書監

司徒以褚彥回爲衛將軍劉彥節爲尚書令加中軍將軍  
辛丑以王僧虔爲尚書僕射癸卯車駕謁太廟八月癸亥  
司徒袁粲鎮石頭戊辰宗拜帝所生陳昭華爲皇太妃庚  
午以蕭道成爲驃騎大將軍開府儀同三司錄尚書如故  
九月己酉廬陵王勗薨十二月丁巳荊州刺史沈攸之舉  
兵不從執政丁卯蕭道成入守朝堂侍中蕭嶷鎮東府戊  
辰中外纂嚴壬申司徒袁粲據石頭謀誅道成不果旋見  
覆滅乙亥以王僧虔爲左僕射王延之爲右僕射吳郡太  
守劉遐據郡不從執政令張瓌攻斬之閏月辛亥屯騎校  
尉王宜興貳於執政見誅癸巳沈攸之攻郢城前軍長史

柳世隆固守已亥中外戒嚴假蕭道成黃鉞乙巳道成出  
頓新亭是歲魏太和元年

二年春正月丁卯沈攸之敗已巳華容縣人斬攸之首送  
之辛未雍州刺史張敬兒剋江陵荊州平丙子解嚴以柳  
世隆為尚書右僕射蕭道成旋鎮東府二月庚辰以王僧  
虔為尚書令王延之為左僕射癸未蕭道成加授太尉以  
褚彥回為中書監司空丙戌撫軍將軍揚州刺史晉熙王  
燮進號中軍將軍三月己酉朔日有蝕之夏四月南兖州  
刺史黃回貳于執政賜死五月戊午以倭國王武為安東  
大將軍六月丁酉以輔國將軍楊文弘為北秦州刺史封

武都王秋九月乙巳朔日有蝕之丙午加大尉蕭道成黃  
鉞都督中外諸軍事太傅領揚州牧賜殊禮以揚州刺史  
晉熙王燮為司徒冬十月壬寅立皇后謝氏十一月立故  
武昌太守劉琨息頌為南豐縣王癸亥誅臨澧侯劉晃甲  
子改封南陽王翹為隨郡王十二月丙戌皇后見于太廟  
三年春正月辛亥領軍將軍蕭贖加尚書右僕射進號中  
軍大將軍開府儀司三司二月丙子南豫州刺史邵陵王  
友薨丙申地震建陽門三月癸卯朔日有蝕之甲辰加蕭  
道成相國摠百揆封十郡為齊公備九錫之禮庚戌誅臨  
川王綽夏四月壬申進齊公蕭道成爵為王壬午安西將



軍武陵王替薨幸卯帝禪位於齊壬辰遜于東邸是日王  
敬則以兵陳于殿庭帝猶居內聞之逃于佛蓋下太后懼  
自帥閹豎索扶幸板輿黃門或促之帝怒抽刀投之中項  
而殞帝既出宮人行哭俱遷備羽儀乘畫輪車出東掖門  
封帝爲汝陰王居丹徒宮齊兵衛之建元元年五月己未  
帝聞外有馳馬者懼亂作監人殺王而以疾赴齊人德之  
賞之以邑六月乙酉葬于遂寧陵謚曰順帝宋之王侯無  
少長皆幽死矣

論曰文帝負宸南面實有人君之美經國之義雖弘而隆  
家之道不之彭城照不窺古本無卓尔之資徒見昆弟之  
義深未識君臣之禮異以此家情行之國道主忌而猶犯  
恩離而未悟致以陵逼之愆遂成滅親之禍開端樹隙垂  
之後人明帝猜忍之情據已行之典翦落洪支飲不待慮  
既而本根莫庇幼主孤立下無磐石之託上有累卵之危  
方復藏璽懷紱魚服忘反危冠短制匹馬孤征以至覆亡  
理固然矣神器以勢弱傾移靈命隨樂推回改斯蓋履霜  
有漸夫豈一夕何止區區汝陰揖讓而已

宋本紀下第三

南史三

齊本紀上第四

南史四

李

延壽

齊太祖高皇帝諱道成字紹伯小字鬪將姓蕭氏其先本  
 居東海蘭陵縣中都鄉中都里晉元康元年惠帝分東海  
 郡為蘭陵故復為蘭陵郡人中朝喪亂皇高祖淮陰令整  
 字公齊過江居晉陵武進縣之東城里寓居江左者皆僑  
 置本土加以南名更為南蘭陵人也皇曾祖雋字子武位  
 即丘令皇祖樂子字閏子位輔國參軍宋昇明中贈太常  
 皇考承之字嗣伯少有大志才力過人仕宋為漢中太守  
 梁州之平以功加龍驤將軍後為南太山太守封晉興縣

五等男遷右軍將軍元嘉二十四年殂梁士思之於岷公  
山立廟祭祀昇明二年贈散騎常侍金紫光祿大夫高帝  
以宋元嘉四年丁卯歲生姿表異異龍額鍾聲長七尺五  
寸鱗文徧體舊宅在武進縣宅南有一桑樹權本三丈橫  
生四枝狀似華蓋帝年數歲好戲其下從兄敬宗曰此樹  
爲汝生也儒生雷次宗立學於雞籠山帝年十三就受禮  
及左氏春秋十七年宋大將軍彭城王義康被黜徙豫章  
皇考領兵防守帝捨業南行十九年竟陵蠻動宋文帝遣  
帝領偏軍討沔北蠻二十三年雍州刺史蕭思話鎮襄陽  
啓帝自隋初爲左軍中兵參軍二十九年領偏軍征仇也

破其武興蘭臯二壘遂從谷口入關未至長安八十里  
州刺史劉秀之遣司馬馬注助帝攻拔談提城魏救兵至  
帝軍力疲少又聞文帝崩乃燒城還南鄭後襲爵皆與縣  
五等男爲建康令有能名少府蕭惠開雅有知人鑒謂人  
曰昔魏武爲洛陽北部時人服其英今看蕭建康但當過  
之耳宋明帝即位爲右軍將軍時四方叛會稽太守尋陽  
王子房及在東諸郡皆起兵明帝加帝輔國將軍東討至  
晉陵一日破賊十二壘分軍定諸縣及徐州刺史薛安都  
榜彭城歸魏遣從子索兒攻淮陰又徵帝討破之索兒走  
鍾離帝追至黠黠而還除驍騎將軍封西陽縣侯遷巴陵

王衛軍司馬隨鎮會稽江州刺史晉安王子勛遣臨川內  
史張淹自鄱陽嶠道入三吳明帝遣帝討之時朝廷器甲  
皆充南討帝軍容寡闕乃編椽皮為馬具裝折竹為寄生  
以舉火進軍賊望見恐懼未戰而走還除桂陽王征北司  
馬南東海太守行南徐州事及張永等敗於彭城淮南孤  
弱以帝為假冠軍將軍持節都督北討前鋒諸軍事鎮淮  
陰遷南兗州刺史加督五州督北討如故明帝嫌帝非人  
臣相而人間流言帝當為天子明帝愈以為疑遣冠軍將  
軍吳喜留軍破釜自持銀壺酒封以賜帝帝戎服出門迎  
懼馮不敢飲將出奔喜告以誠先飲之帝即酌飲之喜還

明帝意乃悅泰始七年徵還都部下勸勿就徵帝曰主上  
自誅諸弟為太子幼弱作萬歲後計何關佗族惟應速終  
事緩當見疑今骨肉相害自非靈長之運禍難將興方與  
卿等戮力耳至拜散騎常侍太子左衛率明帝崩遺詔為  
右衛將軍領衛尉加兵五百人與尚書令袁粲護軍褚彥  
回領軍劉劭共掌機事尋解衛尉加侍中領石頭戍軍事  
元徽二年五月江州刺史桂陽王休範舉兵於尋陽朝廷  
惶駭帝與褚彥回等集中書省計議莫有言者帝曰昔上  
流謀逆皆因淹緩以敗休範必遠徵前失輕兵急下乘我  
無備請頓新亭以當其鋒因索筆下議餘並注同中書舍

人孫千齡與休範有密契獨曰宜依舊遣軍據梁山帝正  
色曰賊今已近梁山豈可得至新亭既是兵衝所欲以死  
報國耳乃單車白服出新亭加帝使持節都督征討諸軍  
車卒南將軍加鼓吹一部築新亭城壘未畢賊前軍已至  
帝方解衣高卧以安衆心乃索白虎幡登西垣使寧朔將  
軍高道慶羽林監陳顯達貞外郎王敬則浮舸與賊水戰  
大破之未時張敬兒斬休範首臺軍及賊衆俱不知其別  
率杜黑蠡急攻東壘帝挺身上馬帥數百人出戰與黑蠡  
拒戰自晡達明旦矢石不息其夜大雨鼓叫不復相聞將  
士積日不得寢食軍中馬夜驚城內亂走帝執燭正坐厲

聲呵止之如是者數四賊帥丁文豪設伏破臺軍於草茨  
橋直至朱雀航王道隆劉劭並戰沒初劭高尚其意託造  
園宅名為東山頗忍時務帝謂曰將軍以顧命之重此是  
艱難之日而深尚從容廢省羽翼一朝事至悔可追乎劭  
不納竟敗及賊進至杜姥宅車騎典籤茅恬開東府納賊  
冠軍將軍沈懷明於石頭奔散張永潰於白下宮內傳新  
亭亦陷太后執蒼梧王于泣曰天下事敗矣帝遣軍主陳  
顯達任農夫張敬兒周盤龍等從石頭濟淮聞道自承明  
門入衛宮闕時儀典籤許公與詐稱休範在新亭士庶  
惶惑詣壘斯赴休範於名者千數及至乃是帝隨得輒燒

之登城北謂曰劉休範父子先昨皆已死戮屍在南岡下  
身是蕭平南諸軍之首元觀汝等名皆已焚除勿懼也臺分  
遣衆軍擊平賊帝振旅凱入百姓緣道聚觀曰全國家者  
此公也帝與袁粲褚彦回劉彥節引各解職不許遷散騎  
常侍中領軍都督粲元州刺史鎮軍將軍進爵為公與袁  
粲褚彦回劉彥節等更日入直決事號為四貴休範平後  
蒼梧王漸行凶暴彙訟害帝嘗舉數十人直入鎮軍府時  
暑熱帝晝卧裸袒蒼梧立帝於堂內畫腹為射的白引滿  
弓射之帝神色不無板曰老臣無罪蒼梧左右王天恩  
諫曰領軍腹大是佳射棚而一箭便死後無復射不如以

箭射之乃取電箭一發即中帝齊蒼梧投弓於地大笑  
曰此手何如時建平王景素為朝野歸心潛為自全計布  
誠於帝帝拒而不納景素尋舉兵帝出屯玄武湖事平乃  
還帝威名既重蒼梧深相猜忌刻木為帝形畫腹為射棚  
自射之又命左右射中者加賞皆莫能中時帝在領軍府  
蒼梧自來燒之異帝出因作難帝堅卧不動蒼梧益懷忿  
患所見之物呼之為帝加以手自磨鋌曰明日當以刃蕭  
道成陳太妃罵之曰蕭道成有大功於國今害之誰為汝  
畫力故止高帝謀與袁褚廢立皆不見從五年七月戊子  
楊玉夫等與直閣將軍王敬則通謀弑蒼梧齎首使左右

南史帝紀四  
陳奉伯藏衣袖中依常行法稱敕開承明門出囊貯之以  
與敬則敬則馳至領軍府叩門大自言報帝門猶不開敬  
則自門塞中以首見帝帝猶不信乃於牆上投進其首帝  
索水洗視敬則乃踰垣入帝跣出敬則叫曰事平矣帝乃  
戎服乘常所騎赤馬夜入殿中殿中驚怖及知蒼梧死咸  
稱萬歲至帝踐祚號此馬為龍驤赤明旦召袁粲褚彥回  
劉彥節入會西鍾槐樹下計議帝以事讓彥節彥節未答  
帝鬚鬣盡張眼光如電次讓袁粲又不受敬則乃拔刀在  
忛側躍麾衆曰天下之事皆應關蕭公敢有開一言者血  
染敬則刀仍呼虎貫劍戟羽儀手自取白紗帽加帝首令

帝即位曰今日誰敢復動事須及熱帝正色呵之曰卿都  
不自解紮欲有言敬則又叱之乃止帝乃下議備法駕詣  
東城迎立順帝於是長刀遮紮彥節等失色而去甲午帝  
移鎮東府與袁粲褚彥回劉彥節各甲仗五十人入殿丙  
申加侍中司空錄尚書事驃騎大將軍封竟陵郡公給油  
幢車班劍三十人帝固辭上台即授以驃騎大將軍開府  
儀同三司十二月荊州刺史沈攸之反稱太后詔已下都  
乙卯帝入居朝堂命諸將西討平西將軍黃回為都督前  
驅先是太后兄子前湘州刺史王蘊遭母喪罷任還至巴  
陵停舟與攸之密謀乃下達郢州武帝時為郢州長史蘊

伺武帝出弔因作亂據郢城武帝知之不出蘊還至東府  
前又期見高帝帝又不出弔再計不行外謀愈固司徒袁  
粲尚書令劉彥節見帝威權稍盛慮不自安與蘊及黃回  
等相結舉事殿內宿衛主帥無不協同及收之反問初至  
帝往石頭詣粲謀粲稱疾不相見剋壬申夜起兵據石頭  
其夜丹陽丞王遜告變彥節從弟領軍韞及直閣將軍卜  
伯興等嚴兵為內應帝命主敬則於宮內誅之遣諸將武  
石頭王蘊將數百精手帶甲赴粲城門已閉官軍又至乃  
散眾軍攻石頭斬粲彥節走頡擔湖蘊逃鬪場並禽斬之  
粲典籤莫嗣祖同粲謀蘊嬖人張承伯燕匿蘊高帝亦並

赦而用之時黃回頓新亭聞石頭已下因稱救援高帝知  
而不言撫之愈厚遣回西上流涕告別二年正月沈攸之  
平二月末帝進高帝太尉都督十六州諸軍事高帝表送  
黃鉞三月己酉增班劍四十人甲仗百人入殿丙子加羽  
葆鼓吹大明泰始以來相承奢侈百姓成俗及高帝輔政  
奏罷御府省二尚方諸飾玩至是又上表禁人間華偽雜  
物凡十七條其中宮及諸王服用雖在舊例亦請詳制九  
月丙午加帝假黃鉞都督中外諸軍事太傅領揚州牧劍  
履上殿入朝不趨贊拜不名置左右長史司馬從事中郎  
掾屬各四人固辭詔遣數勸乃受黃鉞辭殊禮甲寅給三



望車三年正月乙丑高帝表蠲百姓逋責丙辰加前部羽  
葆鼓吹丁巳命太傅府依舊辟召丁卯給高帝申仗五百  
人出入殿省甲午重申前命劔履上殿入朝不趨奏拜不  
名三月甲辰宋帝詔進帝位相國總百揆封十郡為齊公  
備九錫禮加遠游冠位在諸侯王上加相國綠綬綬甲寅  
便以備物典禮進策曰朕以不造夙罹閔凶嗣君失德書  
契未紀威侮五行虔劉九縣神獸靈繹海水群飛綴旒之  
殆未足為譬豈直小宛興刺黍離作歌而已哉天贊皇宋  
實啓明宰爰登寡昧纂承大業高勳至德振古絕倫雖保  
衡翼殷博陸匡漢方斯蔑如也今將授公典禮其敬聽朕

命乃者袁鄧構禍寔繁有徒子房不臣稱兵協亂顧瞻宮  
掖將成茂草言念邦國翦為仇讎當此之時人無固志公  
投袂徇難超然奮發登寅車而戒路執金板而先驅麾鉞  
一臨凶黨冰泮此則霸業之基勤王之始也安都背叛竊  
據徐方敢率犬羊陵雲淮浦索兒愚悖同惡相濟天祚無  
象皆順歸逆北鄙黔黎奮墜塗炭公受命宗祏精貫朝日  
擁節和門氣踰霄漢破釜之捷斬馘敵野石梁之戰禽其  
渠帥保境全人江陽即序此又公之功也張淹迷昧弗顧  
本朝爰自南區志圖東夏潛軍間入竊覲不虞下時江服  
未夷皇塗存沮公忠誠慷慨在險彌亮以寡制衆所向風

偃朝廷無東顧之憂闔越有來蘇之慶此又公之功也匈奴野心侵掠疆場醜羯侮張勢振彭泗公奉辭伐罪戒旦晨征兵車始交氛祲時蕩弔死扶傷弘宣皇澤俾我淮肥復霑盛化此又公之功也自茲厥後獫狁孔熾封豕長蛇重窺上國而世故相仍師出已老角城高壘指日淪陷公眷言王事發憤忘食躬擐甲冑視險若夷分疆畫界開創首完此又公之功也挂陽負衆輕問九鼎裂冠毀冕拔本塞源烈火焚于王城飛矢集乎君屋群后憂惶元戎無主之按劍凝神則奇謨冠世紀旆指麾則懦夫成勇信宿之指官陽底定此又公之功也

圖與兵內侮公拍授六師義形于色役未踰旬朱方寧晏此又公之功也蒼梧肆虐諸夏糜沸淫刑以逞誰則無辜黔首相悲朝不謀夕高祖之業已淪文明之軌誰嗣公遠稽殷漢之義近遵魏晉之典猥以眇身入奉宗祏七廟清謚九區反政此又公之功也袁劉攜貳成此亂階醜圖潛構危機竊發據有石頭志犯應路公神謀內運霜鋒外舉袂診載澄國塗悅穆此又公之功也沈收苞禍歲月滋彰蠱目豺聲阻兵安忍乃眷西顧緬同異域而經綸惟始九伐示申長惡不悛遂逞凶逆公把鉞出關凝威江甸正情與皦日同亮明略與秋雲競爽至義所感人百其心積年

通誅一朝顯戮沮浦安流章臺順軌此又公之功也公有  
濟天下之勲重之以明哲道庇生靈志匡宇宙戮力肆心  
劬勞王室險阻艱難備嘗之矣若乃締構宗稷之勤造物  
資始之澤雲布霧散光被六幽弼予一人永清四海是以  
秬草騰芳於郊園景星垂暉於清漢遐方款關而慕義荒  
服重譯而來庭汪哉邈乎無得而名也朕聞疇庸表德前  
王盛典崇樹侯伯有國攸同所以文命成功文圭顯錫姬  
旦宣哲曲阜啓藩或改玉以弘風或胙土以宣化禮絕常  
班寵冠群辟爰逮桓文車服異數惟公勲業超於先烈而  
褒賞闕於舊章古今之道何其爽歟靜言欽歎良有缺然

今進授相國以青州之齊郡徐州之梁郡南徐州之蘭陵  
魯郡琅邪東海晉陵義興揚州之吳郡會稽凡十郡封公  
為齊公錫玄圭且以白茅定爾邦家用建冢社斯實尚  
父故藩世作盟主紀綱侯甸率由舊則往者周召建國師  
保兼任毛畢執珪入作卿士內外之寵同規在昔今命使  
持節兼太尉侍中中書監司空衛將軍雋都縣開國侯彥  
回授公相國印綬齊公璽紱持節兼司空守尚書令僧虔  
授齊公茅土金虎符第一至第五左竹使符第一至第十  
左相國位總百辟秩踰三事職以禮移號隨事革其以相  
國總百揆去錄尚書之稱送所假節侍中貂蟬中外都督

大傳太尉印綬竟陵公印集其驃騎大將軍揚州牧南徐  
州刺史如故又加公九錫其敬聽後命以公執禮弘律儀  
形區宇遐邇一體人無異業是用錫公大輅戎輅各一玄  
牡二駟公崇脩南畝所實惟穀王府充實百姓繁衍是用  
錫公衮冕之服赤舄副焉公居身以謙導物以義鎔鈞庶  
品罔不和悅是用錫公軒縣之樂八佾之舞公翼贊王猷  
聲教遠洽蠻夷竭歡回首內附是用錫公朱戶以居公明  
鑒人倫澄辯涇渭官方與能英乂克舉是用錫公納陛以  
登公保佑星朝厲身化下杜漸防萌含生寅式是用錫公  
虎賁之士三百人公禦寇以刑禦姦以德君親無將將而

必誅是用錫公鈇鉞各一公鳳舉四維龍騰八表威靈所  
振異類同义是用錫公彤弓一彤矢百靈弓十靈矢千公  
明發載懷肅恭禋祀孝敬之重義感靈祇是用錫公秬鬯  
一卣圭瓚副焉齊國置丞相以下效遵舊式往欽哉其祇  
服朕命經緯乾坤宏亮洪業茂昭百大德闡揚我高祖之  
休命高帝三讓公卿敦勸固請乃受之丁巳下令赦國內  
殊死以下宋帝詔齊公十郡之外隨宜除用以齊國初建  
給錢五百萬布五千疋絹五千疋以太尉左長史王儉為  
尚書右僕射領吏部四月癸酉宋帝又詔進齊公為王以  
徐州之南梁陳潁川陳留南兗州之盱台山陽秦廣陵海

陵南沛增王封為二十郡使司空褚彥回奉策授璽紱改  
立王社餘如故丙戌命齊王冕十有二旒建天子旌旗出  
警入蹕乘金根車駕六馬備五時副車置旄頭雲罕樂儔  
八佾設鍾虞宮縣王世子為太子王女王孫壽命一如舊  
儀辛卯宋帝以歷數在齊乃下詔禪位是日遷于東邸壬  
辰遣使奉策曰咨爾齊王伊太古初陳萬化紛綸開曜靈  
以鑒品物立元后以馭黎元若夫咨成大庭之世伏羲五  
龍之辰靡得而詳焉自軒黃以降墳素所紀略可言者莫  
崇乎堯舜披金縷而握天鏡開玉匣而總地維德之休明  
宸居靈極期運有終歸禪與能所以 唐遜位謗然興歌

有虞揖讓卿雲發來遺風餘烈光被無垠漢魏因循不敢  
失墜爰逮有晉亦遵前典昔我祖宗英猷旁格幽明末葉  
一造仍世多故惟王聖哲欽明榮鏡區宇仁育群生義征  
不愆聲化遠洎荒服無虞殊類同規華戎一族是以五色  
來儀於軒庭九穗含芳於郊牧象緯昭徹布新之符已顯  
圖讖彤煥受終之義既彰靈祇乃眷兆庶引領朕聞至道  
深微惟人是弘天命無常惟德是與所以仰鑒玄情俯察  
群議敬禪神器授帝位于爾躬四海困窮天祿永終於戲  
王其允執厥中儀刑前式以副率土之欣望命司喪而謁  
蒼昊奏雲門而升圓丘時膺大禮永保洪業豈不盛歟并

命璽書遣兼太保司空褚亮回兼太尉守尚書令王僧虔奉皇帝璽綬受終之禮一依唐虞故事高帝固讓宋朝王公以下陳留王粲等詣門陳請帝猶未許齊世子卿士以下固請兼太史令將作匠文建陳天符瑞因言漢自建武至建安二十五年一百九十六年而禪魏魏自黃初至咸熙二年四十六年而禪晉晉自泰始至元熙二年一百五十六年而禪宋宋自永初元年至昇明三年凡六十年咸以六終六受六充位也歷往揆今若斯昭著敢以職任備陳管穴伏願順天時膺符瑞二朝百辟同請尚書右僕射王儉奏被宋詔遜位臣等參議宜冠日受禪高帝亦許焉

建元元年夏四月甲午皇帝即位於南郊紫燎告天曰皇帝臣道成敢用玄牡昭告于皇皇后帝夫肇自生靈掛司牧所以開極立則開元創物肆茲大道天下惟公命不予常昔在虞夏受終上代粵自漢魏揖讓中葉咸煥諸方策載在典謨水德既微仍世多故真賴道成匡救之功以弘濟乎厥難大造顛墜再構區宇誕惟天人罔弗和會迺仰協歸運景屬與能用集大命于茲辭德匪嗣至于累仍而群公卿士庶尹御事爰及黎獻暨乎百蠻僉曰皇天眷命不可以固違人神無統不可以曠主畏天之威敢不祗順鴻曆敬簡元辰虔奉皇符升壇受禪告類上帝以令人

南史帝紀五  
喪式敷萬國惟明靈是饗禮畢備太駕幸建康宮臨太極  
前殿大放改元賜人爵二級文武位二等鰥寡孤獨不能  
自存者穀人五斛逋租宿責勿收犯鄉論清議賊汙淫盜  
者一皆蕩滌洗除先注與之更始長徒救繫者特加原遣  
亡官失爵禁錮奪勞一位舊典封宋帝為汝陰王築宮於  
丹楊故縣行宋正朔車旗服色一如晉宋故事上書不為  
表表不稱詔宋諸王皆降為公郡公主為縣君縣公主  
為鄉君詔降宋南康郡公為縣公華容公為侯萍鄉侯為  
伯滅之者差以奉劉穆之王弘何無忌之祀追尊皇考曰  
宣皇帝皇妣曰孝皇后陵曰永安妃曰昭皇后陵曰表

詔劫賊餘口沒在臺府者悉原赦諸負釁流徙者皆賜還  
本土戊戌以荊州刺史疑為尚書令驃騎大將軍開府儀  
同三司斷四方上變禮己亥詔二宮諸王悉不得營立屯  
邸封略山湖乃停太官池塞稅庚子詔宋帝后潘三諸陵  
量置守衛五月丙午以河南王吐谷渾拾寅為驃騎大將  
軍詔宋武第秩量所廢置有司奏留襄陽郡公張敬兒等  
六十二人除廣興郡公沈昱亮等一百二十二人改元嘉  
曆為建元曆祖以正月卯臘以十二月未丁未詔曰設募  
取將懸賞購士蓋出權宜自今可斷衆募乙卯河南國遣  
使朝貢丙辰詔遺兼散騎常侍十二人巡行四方己未汶

陰王俎齊志也追謚為宋順帝辛酉誅陰安公劉燮等六月乙亥詔宋末以來枯骸毀櫬宣下埋藏喪辰備法駕奉七廟主于太廟甲申立齊太子疇為皇太子斷諸州郡禮廢降死罪以下刑并申前赦恩百日立皇子巖為豫章王映為臨川王晃為長沙王暉為武陵王暉為安成王錡為鄱陽王鑠為桂陽王鎰為廣興王皇孫長懋為南郡王乙酉葬宋順帝于遂寧陵秋七月丁未曲赦交州部內丁巳詔南蘭陵桑梓本鄉長蠲租布武進王業所基給復十年八月癸巳省陳留國丁巳立皇子鈞為衡陽王九月辛丑帝以二吳義興二郡遭水減今年田租乙巳復置四蠻

尉官丙午加司空褚彥回尚書令冬十月丙子立彭城劉胤為汝陰王奉宋後已卯享太廟辛巳汝陰王太妃王氏薨追贈宋恭皇后已丑荊州天井湖出綿人用且帛綿不異二年春正月戊戌朔大赦以司空褚彥回為司徒以尚書右僕射王儉為左僕射辛丑祀南郊二月丁卯魏軍攻壽陽豫州刺史垣崇祖破走之癸巳遣大使廵慰淮肥徐豫邊人尤貧遘難者三月百濟國遣使朝貢以其王牟都為鎮東大將軍夏四月丙寅進高麗王樂浪公高璉號驃騎大將軍五月立六門都牆秋九月甲午朔日有蝕之丙子蠕蠕國遣使朝貢冬十二月戊戌以司空褚彥回為司徒



壬子以驃騎豫章王嶷為司空

三年春正月壬戌朔詔王公卿士薦讜言丙子立皇子鈺  
為江夏王二月癸丑罷南蠻校尉官夏四月辛亥始制東  
宮臣僚用下官禮敬聞喜公子良等六月壬子大赦秋七  
月己未朔日有蝕之九月辛未蠕蠕國王遣使欲俱攻魏  
獸師子皮袴褶為程令吳郡顧昌玄坐父法秀宋泰始中  
比征死亡屍骸不反而昌玄宴樂嬉游與常人無異有司  
請加以清議丙戌置會稽山陰縣獄丞冬十月戊子以河  
南王世子吐谷渾度易侯為西秦河二州刺史河南王十  
二月丁亥高麗國遣使朝貢命散騎常侍虞炎等十二人

巡行諸州郡觀省風俗

四年春二月乙未上不豫庚戌詔原都下囚繫有差免元

年以前浦大三月庚申召司徒褚彥回左僕射王儉受顧

託壬戌皇帝崩于臨光殿年五十六群臣上謚曰高皇帝

廟號太祖梓宮於東府前渚升龍舟四月丙午葬於武進

泰安陵於龍舟卒哭內外反吉上少有大量喜怒不形於

色深沈靜默常有四海之心博子善屬文工草隸書弈棊

第二品雖經綸夷險不廢素業及即位後身不御精細之

物主夜中有玉介導以長侈奢之源命打破之凡異物皆

令隨例毀棄後宮器物欄檻以銅為飾者皆改用鐵內殿

死黃紗帳宮人著紫皮履革蓋除金華瓜用鐵回釘每曰使我臨天下十年當使黃金與土同價欲以身率下移風易俗性寬嘗與直閣將軍周覆給車中褚思莊共棊累局不倦覆乃抑上手不許易行其弘厚如此所著文詔中書侍郎江淹撰次之及詔東觀學士撰史林三十篇魏文帝皇覽之流也始帝年十七時嘗夢乘青龍上天西行逐日帝舊坐在武進彭山岡阜相屬數百里不絕其上常有五色雲又有龍出焉上時已貴矣宋明帝甚惡之遣善占墓者尚靈文往墓所占相靈文先給事太祖還詭答曰不過出方伯耳密白太祖曰員不可言明帝意猶不已遣人踐

籍以左道厭之上後於所樹華表柱忽龍鳴震響山谷明帝寢疾為身後之慮多翦功臣上亦見疑每云蕭道成有不臣相時鎮淮陰每懷憂懼忽見神人謂上曰無所憂子孫當昌盛恭始三年宋明帝遣前淮南太守孫奉伯往淮陰監元會奉伯舊與帝款是行也帝與奉伯同室卧奉伯夢上乘龍上天於下捉龍脚不得及覺叙湛因謂曰兗州當大庇生靈而弟不得與也奉伯竟卒於宋世又參軍崔靈建夢天謂已蕭道成是我第十九子我去年已使授其天子位考自三皇五帝以降受命之次至帝為十九也及為領軍望氣者陳安寶見上身上恒有紫黃氣安寶謂王

洪範曰此人貴不可言所居武進縣有一道相傳云天子  
路或謂秦皇所游或云孫氏舊迹時訛言東城天子出其  
後建安王休仁鎮東府宋明帝懼殺休仁而常閉東府不  
居明帝又屢幸改代作伐以厭三氣又使子安成王代之  
及蒼梧王敗安成王代立時咸言為驗術數者推之上舊  
居武進東城村東城之言其在此也昇明二年冬延陵縣  
季子廟沸井之北忽聞金石聲疑其異鑿深三尺得沸井  
奔涌若浪其地又響即復鑿之復得一片涌沸亦然井中  
得一木簡長一尺廣二分上有隱起字曰廬山道人張陵  
再誅詣闕起居簡大堅白字色乃黃瑞應圖云浪井不鑿

自成王者清靜則仙人主之 會稽剡縣有山名刻石父老  
相傳云山雖 名刻石而不知文字所在昇明末縣人兒襲  
祖行獵忽見石上有文字凡三處皆生其上字不可識乃  
去苔視之其大石文曰此齊者黃石公之化氣也立石文  
曰黃天星姓蕭字道成得賢帥天下太平小石又曰刻石  
者誰會稽南山李斯刻秦望之風也孝經鉤命決曰誰者  
起視名將將帝小字也河洛讖曰歷年七十水滅緒風雲  
俱起龍鱗舉又曰蕭蕭草成道德盡備案宋永德也義熙  
元年宋武帝王業之始至齊受命七十年又讖曰蕭為二  
士天下樂案二十士主字也鄭文舉 龔雄記曰當復有作蕭

入草易曰聖人作萬物觀當復有作言聖人作也王子年  
歌曰欲知其姓草蕭蕭穀中最細低頭熟鱗身甲體永與  
福穀中精細者稻也即道也熟猶成也又歌曰金刀利刃  
齊川之金刀劉字刈猶剪也孔子河洛識曰竭河梁塞龍  
泉消除水災泄山川水即宋也宋氏為災害故曰水災梁  
亦水也竭河梁則行路成矣路猶道也消除水災除宋水  
氏之災害也河圖識又曰上參南斗第一星下立草屋為  
紫庭神館之岡梧桐生鳳鳥戢翼朝旦鳴南斗吳分野草  
屋者居卜蕭字象也先是益州有山古者相傳曰齊台山  
升明三年四月二十三日有沙門玄暢者於此山立精舍

其日上登尊位廿月二十四日滎陽郡人尹千於嵩山東  
南隅見天雨石墜地石開有玉璽在其中璽方三寸文曰  
戊丁之人與道俱蕭然入草應天符掃平河洽清魏都又  
曰皇帝運興千奉璽詣雍州刺史蕭赤斧赤斧以獻秦宋  
武帝於嵩高山得玉璽三十二枚神人云此是宋卜世之  
數三十二者二三十也宋自受命至禪齊凡六十年然則  
帝之符應也若是今備之

世祖武皇帝諱暉字宣遠高帝長子也以宋元嘉二十七  
年六月己未生於建康縣之青溪宮將產之夕孝皇后昭  
皇后並夢龍據屋故小字上為龍兒年十三夢人以筆畫

身左右為兩翅又著孔雀羽衣裳空中飛舉體生毛髮長至足有人指上所踐地曰周文王之田又於所住堂內得璽一枚文曰皇帝行璽又得異錢文為北斗星雙刀雙具及有人形帶劍焉仕宋為贛令江州刺史晉安王子勛反上不從命南康相沈肅之繫上郡獄族人蕭欣祖門客桓康等破郡迎出上上遂率部曲百餘人起義避難揭陽山有白雀來集聞山中有清聲傳漏響又於山累石為佛圖其側忽生一樹狀若花蓋有翠扶疎有殊群木上將討戴凱之大饗士卒是日大熱上各令折荆枝自蔽言未終而有雲垂陰正當會所會罷乃散及為廣興相嶺南積旱連

水阻涸商旅不通上部伍既至無雨而川流暴起遂得利涉元徽四年累遷晉熙王鎮西長史江夏內史行郢州事順帝立徵晉熙王燮為撫軍揚州刺史以上為左衛將軍輔燮俱下沉攸之事起未得朝廷處分上以中流可以待敵即據盆口城為戰守備高帝聞之曰此真我子也於盆城掘塹得一大錢文曰太平百歲于時城內乏水欲引水入城始鑿城內遇伏泉涌出如此者九處用之不竭上表求西討不許乃遣偏軍援郢平西將軍黃回等皆受上節度昇明二年事平遷江州刺史封聞喜縣侯其年徵侍中領軍將軍尋加督京畿諸軍事三年又加尚書僕射中軍

大將軍開府儀同三司進爵為公給班劍二十人齊國建  
為齊公世子改加侍中南豫州刺史給油絡車羽葆鼓吹  
增班劍為三十人以石頭為世子宮置二率以下坊省  
服章一如東宮進為王太子高帝即位為皇太子建元四  
年三月壬戌高帝崩是日皇太子即皇帝位大赦征鎮州  
郡令長軍屯營部各行喪三日不得擅離任都邑城守防  
備幢隊一不得還乙丑稱先帝遺詔以司徒褚彥回錄尚  
書軍尚書左僕射王儉為尚書令車騎將軍張敬兒開府  
儀同三司詔曰喪禮雖有定制先旨每存簡約內官可三  
日一還臨外官開日一還臨後有大喪皆如之丁卯以前

將軍王奐為尚書左僕射庚午以司空豫章王嶷為太尉  
癸酉詔免逋城錢自今以後申明舊制初晉宋舊制受官  
二十日輒送脩城錢二千宋泰始初軍役大起受官者萬  
計兵戎機急事有未遑自是令僕以下並不輸送二十年  
中大限不可勝計文符督切擾亂在所至是除蕩百姓悅  
焉夏四月辛卯追尊穆妃為皇后五月庚申以高皇帝配  
南郊高昭皇后配北郊六月甲申朔立河南王長懋為皇  
太子詔申壬戌赦恩百日丙申立皇太子妃王氏進封聞  
喜公子良為竟陵王臨汝公子卿為廬陵王應城公子敬  
為安陸王江陵公子懋為晉安王枝江公子隆為隨王皇

子子真為建安王皇孫昭業為河南郡王戊戌以水潦為  
患星緯乖序剋日訊都下囚諸遠獄委刺史以特察判建  
康秣陵二縣貧人加振賜必令周悉吳興義興遭水縣蠲  
降租調以司徒褚彥回為司空秋八月癸卯司空褚彥回  
薨九月丁巳以國哀故罷國子學辛未以征南將軍王僧  
虔為左光祿大夫開府儀同三司冬十月乙未以中書令  
王延之為尚書左僕射十二月己丑詔曰緣淮戍將久處  
邊勞三元行始宜霑恩慶可遣中書舍人宣旨臨會後每  
歲如之

永明元年春正月辛亥祀南郊大赦改元壬子詔內外群  
僚各進諫言王公卿士各舉所知又詔守宰祿奉蓋有恒  
準往以邊虜告警故公時損益今區宇寧晏宜加優獎郡  
縣丞尉可還田秩壬戌立皇弟銳為南平王鏗為宜都王  
皇子子明為武昌王子罕為南海王望氣者云新林婁湖  
東府西有氣甲子築青溪舊宮作新婁湖苑以厭之二月  
庚寅以征虜將軍楊吳為沙州刺史封陰平王三月丙辰  
詔以星緯失序陰陽愆度申辛亥赦恩五十日以期訖為  
始戊寅詔四方見囚罪無輕重及劫賊餘口長徒敕繫悉  
皆原赦夏五月丁酉車騎將軍張敬兒有罪伏誅秋八月  
壬申魏人來聘冬十月丙寅使驍騎將軍劉纘聘于魏十

南史紀四 二十二  
一月己卯雷十二月乙巳朔日有蝕之

二年春正月乙亥以護軍將軍柳世隆為尚書右僕射以  
南兖州刺史竟陵王子良為護軍將軍兼司徒壬寅以新  
除尚書右僕射柳世隆為左僕射以丹楊尹李安人為右  
僕射秋七月甲申立皇太子子倫為巴陵王八月丙午幸舊  
宮申都下獄及三署見徒量所降宥戊申辛亥武湖講武  
壬子扶南國遣使朝貢并獻頌章云甲子詔都下二縣墳  
莫毀發隨宜掩埋遺骸未視者並加歛瘞疾困不能存者  
詳加露瘞冬十二月庚申魏人來聘

三年春正月辛卯祀南郊赦三百里內罪應入重者降一

等餘依赦制三月甲寅使輔國將軍劉縉聘于魏夏五月  
省總明觀秋七月甲戌左元祿大夫開府儀同三司王僧  
虔薨辛卯於益州置平蠻校尉官八月乙未幸中堂聽訟  
乙巳以行宕昌王梁彌頡為河涼二州刺史封隴西公宕  
昌王冬十一月丙辰魏人來聘十二月以江州刺史王奐  
為尚書右僕射改封武昌王子明為西陽王

四年春閏正月癸巳立皇太子子貞為邵陵王丁未以武都  
王揚集始為北秦州刺史辛亥耕藉田詔宥殊死以下甲  
寅幸闕武堂勞酒小會賜王公以下在位者帛有差戊午  
幸宣武堂講武二月丙寅大風吳興偏甚樹葉皆赤己未



立皇弟鈇為晉熙王鉉為河東王壬午使通直郎裴昭明  
聘于魏

五年春正月戊子以太尉豫章王嶷為大司馬車騎將軍  
竟陵王子良為司徒驃騎將軍臨川王映衛將軍王儉中  
軍將軍王敬則並以本號開府儀同三司以尚書右僕射  
王奐為尚書左僕射辛卯賜孤寡老疾各有差夏四月庚  
午殷祀太廟降諸囚徒先是立商飈館於孫陵岡世呼為  
九日臺秋九月辛卯車駕幸焉冬十月初起新林苑

六年春三月甲申詔皇太子於東宮玄圃園宣猷堂臨訖  
及三署徒隸已亥封皇子于響為巴東王夏五月庚辰左

衛殿中將軍邯鄲超表陳射雉書奏賜死又潁川荀丕亦  
以諫諍託他事及誅六月辛未詔省州郡縣送故輸錢者

秋七月齊興太守劉元寶於郡城墮得錢三十七萬皆輸  
厚徑一寸半以獻上以為瑞班賜公卿九月壬寅於琅邪  
城講武習水步軍冬十月庚申立冬初臨太極殿讀時令  
十一月丙戌土霧竟天如煙入人眼鼻二日乃止

七年春正月丙午以鎮南將軍柳世隆為尚書左僕射以  
豫州刺史西昌侯鸞為右僕射辛亥祀南郊大赦申明不  
舉子之科若有產子者復其父壬戌驃騎將軍開府儀同  
三司臨川王映薨戊辰詔以諸大夫年秩隆重增俸給見

南史帝紀四  
一  
役三月甲寅立皇子子岳為臨賀王子峻為廣漢王子琳  
為宣成王子珉為義安王夏五月乙巳尚書令衛將軍開  
府儀同三司王儉薨甲子以新除尚書左僕射柳世隆為  
尚書令秋九月壬寅魏人來聘冬十一月戊申詔平南參  
軍顏幼明聘于魏

八年春正月庚子以領軍主兵為尚書左僕射丁巳以行  
百濟王泰為鎮東大將軍百濟王二月辛卯零陵王司馬  
藥師薨夏四月戊辰朔詔公卿以下各舉所知六月己巳  
魏人來聘庚午長沙王晃薨丙申大雷雨有黃光竟天照  
地狀如金乙酉都下大風發屋秋七月癸卯詔以陰陽舛

和緯象愆度儲胤嬰患淹歷旬晷可大赦八月壬辰荊州  
刺史巴東王子響友遣丹陽尹蕭順之討之子響伏誅乙  
酉以河南王世子休留代為西秦河二州刺史封河南王  
冬十一月戊寅詔量增尚書丞郎賜祿己卯改封宣城王  
子琳為南康王立皇子子建為湘東王

九年春正月甲午省平蠻府辛丑祀南郊降都下見囚戊  
午詔射聲校尉裴昭明聘于魏三月癸巳明堂災夏五月  
丙申林邑國獻金罽丁未魏人來聘安成王暘薨己未樂  
游正陽堂災秋八月己亥使司徒參軍蕭琛聘于魏吳興  
義興大水乙卯蠲二郡租九月戊辰幸琅邪城講武觀者

侯都普頒酒肉冬十月甲寅魏人來聘

十年春正月戊午以司徒竟陵王子良領尚書令以尚書右僕射西昌侯鸞為左僕射詔增內外有務眾官祿奉丙戌詔故太宰褚彥回故太尉王儉故司空柳世隆驃騎大將軍王敬則鎮軍大將軍陳顯達故鎮東將軍李安人配饗太祖廟庭二月乙巳使司徒參軍蕭琛聘于魏

十一年春正月戊午以驃騎大將軍豫州刺史王敬則為司空乙亥皇太子長懋薨二月雍州刺史王奐有罪伏誅三月丙寅以金紫光祿大夫王晏為尚書右僕射夏四月癸未魏人來聘甲午立皇孫昭業為皇太孫賜天下為

後者爵一級五月戊辰以旱故都下二縣朱方姑熟權斷酒秋七月丁巳曲赦南兖兗豫司徐五州南豫州之歷陽譙臨江廬江四郡三調眾逋宿責並同原除其緣淮及青冀新附僑人復除已訖更申五年先是魏地謠言赤火南流喪南國是歲有沙門從北齋此火而至色赤於常火而微云以療疾貴賤爭取之多得其驗二十餘日都下大盛咸云聖火詔禁之不止火炎至七炷而疾愈具興立國賓密以還鄉邑人楊道慶虛疾二十年依法灸即差是月上不豫徙御延昌殿始登階而殿屋鳴叱上惡之魏軍將至上慮朝野憂惶力疾召樂府奏法聲伎戊寅大漸詔曰始

終大期聖賢不免吾行年六十亦復何恨但皇業艱難萬  
機自重不能無遺慮耳太孫進德日茂社稷有寄子良善  
相毗輔思弘正道內外衆事無大小悉與鸞參懷尚書是  
職務根本悉委王晏徐孝嗣軍旅捍邊之略委王敬則陳  
顯達上廣之王玄邈沈文季張瓌薛深等百辟庶僚各奉  
爾職謹事太孫勿有懈怠又詔曰我識滅後身上著夏衣  
畫天衣純烏屨導絰諸器服悉不得用寶物及織成等唯  
裝複袂衣各一通常所服刀長短二口鐵環者隨入梓宮  
祭敬之典本在因心靈上慎勿以牲為祭祭惟設麩茶飲  
干飯酒脯而已天下貴賤咸同此制未山陵前朔望設菜

食陵墓萬世所宅意常恨休安陵未稱今可用東三處地  
最東邊以葬我名為景安陵喪禮每存節約不須煩人百  
官停六時入臨朔望祖日可依舊諸主六宮並不須從山  
陵內殿鳳華壽昌曜靈三處是吾所改制夫貴有天下富  
兼四海宴處寢息不容乃陋謂此為奢儉之中慎勿壞去  
顯陽殿玉像諸佛及供養具如別牒可盡心禮拜供養之  
絰有功德事可專在中自今公私皆不得出家為道及起  
立塔寺以宅為精舍並嚴斷之惟年六十必有道心聽朝  
賢選序已有別詔諸小小賜乞及閣內處分亦有別牒內  
外禁衛勞舊主帥左右悉令蕭謀優量驅使之是日上崩

于延昌殿年五十四羣臣上謚曰武皇帝廟號世祖九月  
丙寅葬景安陵上剛毅有斷政摠大體以富國為先頗喜  
游宴而綺之事言常恨之未能頓遣臨崩又詔凡諸游費  
宜從休息自今遠近薦獻務存節儉不得出界營求相高  
奢麗金粟繒纈敝人已甚珠玉玩好傷俗尤重嚴加禁絕  
論曰高帝基命之初武功潛用泰始開運大拯時艱及  
蒼梧景不虞豐結朝野而百姓慄慄命縣朝夕權道既行兼  
濟天下元功振主利器難以假人群方戮力實懷尺寸之  
望豈惟天厭水行固已人希木德歸功與能事極乎此武  
帝靈靈伊始功參佐命雖為繼體事實艱難御衆垂燒深  
存政典文武授任不革舊章明罰厚恩皆由已出外表無  
堯丙朝多豫機事平理職貢有恒府藏內充鮮人勞役宮  
室苑圃未足以傷財安樂延年衆庶所同幸亦有齊之良  
主也據齊梁紀錄並云出自蕭何又編御史大夫望之以  
為先祖之次案何及望之於漢俱為勲德而望之本傳不  
有此陳齊典所書便乖實錄近秘書監顏師古博考經籍  
注解漢書已正其非今隨而改削云

齊本紀上第四

南史四

